



Komisija za Statut i akte

Broj: 04-GV-04-812/21
Sarajevo, 14.07.2021. godine

ZAPISNIK O RADU
OSME SJEDNICE KOMISIJE ZA STATUT I AKTE
GRADSKOG VIJEĆA GRADA SARAJEVA
održane 14.07.2021. godine

Prisutni:

1. Toni Vukadin, predsjedavajući
2. Dženan Tikveša, zamjenik predsjedavajućeg
3. Nihad Uk, član
4. Muamer Mekić, član
5. Vedran Dodik, član
6. Bajro Biber, član
7. Alma Čengić, članica
8. Selvira Vilić, članica
9. Drago Jurić, član

Sjednici iz Gradske službe za Gradsko vijeće prisustvuju:

- Mila Eminović Rizvanović, sekretar Gradskog vijeće Grada Sarajeva
- Zinaida Beširević, šef Odsjeka za stručne poslove

Sjednici po ovlaštenju Gradonačelnice, prisustvuju:

- Arijana Musić, ispred Gradske službe za urbano planiranje, investicije, stambene i komunalne poslove
- Asja Kahvedžić, ispred Gradske službe za finansije

Obzirom da je predsjedavajući Komisije najavio kašnjenje, sjednicu Komisije je otvorio zamjenik predsjedavajućeg Komisije u 15.10 sati, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Sedme sjednice Komisije za Statut i akte održane 13.07.2021. godine.

Na prijedlog zamjenika predsjedavajućeg, Komisija za Statut i akte je jednoglasno usvojila sljedeći **dnevni red**:

1. Mišljenje o Prijedlogu Odluke o usvajanju Regulacionog plana „Zabrđe“ sa Prijedlogom Odluke o provođenju Regulacionog plana „Zabrđe“
2. Mišljenje o Izvještaju o korištenju sredstava tekuće rezerve
3. Tekuća pitanja

TAČKA 1.

Mišljenje o Prijedlogu Odluke o usvajanju Regulacionog plana „Zabrđe“ sa Prijedlogom Odluke o provođenju Regulacionog plana „Zabrđe“

Uvodno izlaganje podnijela je Arijana Musić ispred Gradske službe za urbano planiranje, investicije, stambene i komunalne poslove.



Na prijedlog zamjenika predsjedavajućeg, Komisija za Statut i akte je jednoglasno usvojila sljedeći **zaključak**:

Komisija za Statut i akte konstatuje da je predloženi akt dostavljen od strane ovlaštenog predlagača, po propisanoj proceduri u propisanoj formi, na osnovu Statuta Grada Sarajeva i Poslovnika Gradskog vijeća Grada Sarajeva, u skladu s Ustavom i Zakonom, te sugeriše Gradskom vijeću Grada Sarajeva da razmatra *Odluku o usvajanju Regulacionog plana „Zabrđe“ sa Odlukom o provođenju Regulacionog plana „Zabrđe“* u formi i po postupku kako je predložena.

Predsjedavajući Komisije je sjednici pristupio u 15.10 sati i preuzeo vođenje sjednice.

TAČKA 2.

Mišljenje o Izvještaju o korištenju sredstava tekuće rezerve

Uvodno izlaganje podnijela je Asja Kahvedžić, ispred Gradske službe za finansije.

Predsjedavajući Komisije je postavio pitanje koji su bili razlozi hitnosti za donošenje Odluke o odobravanju sredstava sa pozicije tekuća rezerva za nabavku motornog vozila za potrebe Udruženja Gorska služba spašavanja Trebević i Odluke o odobravanju sredstava sa pozicije tekuća rezerva za opremanje dječijih bungalova i spavaonica, za potrebe Javne ustanove Dječiji dom “Mostar”.

Asja Kahvedžić, ispred Gradske službe finansija je pojasnila da se sredstva sa pozicije tekuće rezerve Budžeta Grada Sarajeva odobravaju po nalogu gradonačelnika.

Navela je da nije u mogućnosti dati informacije o razlozima za donošenje Odluke o odobravanju sredstava sa pozicije tekuća rezerva za nabavku motornog vozila za potrebe Udruženja Gorska služba spašavanja Trebević i Odluke o odobravanju sredstava sa pozicije tekuća rezerva za opremanje dječijih bungalova i spavaonica, za potrebe Javne ustanove Dječiji dom “Mostar”, obzirom da trenutno ne raspolaže potrebnom dokumentacijom.

Nihad Uk, član Komisije je predložio da Komisija za Statut i akte na današnjoj sjednici ne formuliše mišljenje o Izvještaju o korištenju sredstava tekuće rezerve, te da Predlagač dostavi dokumentaciju na osnovu koje su donesene navedene odluke, nakon čega će Komisija ponovno razmatrati ovu tačku, a prije održavanja Pete sjednice Gradskog vijeća na kojoj je planirano da se Izvještaj razmatra.

Predsjedavajući Komisije je podržao prijedlog člana Komisije Nihada Uka, te predložio da se za sjednicu Komisije dostavi dokumentacija na osnovu koje su donesene Odluke o odobravanju sredstava sa pozicije tekuća rezerva za nabavku motornog vozila za potrebe Udruženja Gorska služba spašavanja Trebević i Odluke o odobravanju sredstava sa pozicije tekuća rezerva za opremanje dječijih bungalova i spavaonica, za potrebe Javne ustanove Dječiji dom “Mostar”.

Poslije uvodnog izlaganja i rasprave, na prijedlog predsjedavajućeg, Komisija za Statut i akte jednoglasno je usvojila sljedeće **zaključke**:

1. Komisija za Statut i akte konstatuje da na današnjoj sjednici neće formulisati mišljenje o Izvještaju o korištenju sredstava tekuće rezerve.
2. Komisija za Statut i akte konstatuje da je potrebno da Predlagač za sjednicu Komisije koja će se održati u pripremi Pete sjednice Gradskog vijeća Grada Sarajeva, dostavi dokumentaciju na osnovu koje su donesene Odluke o odobravanju sredstava sa pozicije tekuća rezerva za nabavku motornog vozila za potrebe Udruženja Gorska služba spašavanja Trebević i Odluke o odobravanju sredstava sa pozicije tekuća rezerva za opremanje dječijih bungalova i spavaonica, za potrebe Javne ustanove Dječiji dom “Mostar”.

TAČKA 3.

Tekuća pitanja

Vedran Dodik, član Komisije je upoznao članove Komisije da će na Nastavku Treće sjednice Gradskog vijeća Grada Sarajeva podnijeti vijećničku inicijativu kojom će tražiti autentično tumačenje Odluke o raspodjeli sredstava Budžeta Grada Sarajeva planiranih za rad klubova gradskih vijećnika.

PREDSJEDAVALJUĆI KOMISIJE

Toni Vukadin, s.r.

Predsjedavajući Komisije je u 15.30 sati zaključio rad Osme sjednice Komisije za Statut i akte Gradskog vijeća Grada Sarajeva.